

清东华录全编

第五册

东华录

〔清〕王先谦撰

雍正 一—二六卷

学苑出版社

清东华录全编

第五册

东华录

〔清〕王先谦撰

雍正 一一二六卷

学苑出版社

東華全錄目錄

雍正一

起康熙六十一年十一月甲午盡十二月

雍正二

起雍正元年正月盡六月

雍正三

起元年七月盡十二月

雍正四

起二年正月盡六月

雍正五

起二年七月盡十二月

雍正六

起三年正月盡六月

東華全錄 目錄

雍正七

起三年七月盡十二月

雍正八

起四月正月盡六月

雍正九

起四年七月盡十二月

雍正十

起五年正月盡六月

雍正十一

起五年七月盡十二月

雍正十二

起六年正月盡六月

雍正十三

起六年七月盡十二月

雍正十四

起七年正月盡六月

雍正十五

起七年七月盡十二月

雍正十六

起八年正月盡六月

雍正十七

起八年七月盡十二月

雍正十八

起九年正月盡六月

雍正十九

起九年七月盡十二月

雍正二十

起十年正月盡六月

雍正二十一

起十年七月盡十二月

雍正二十二

起十一年正月盡六月

雍正二十三

起十一年七月盡十二月

雍正二十四

起十二年正月盡六月

雍正二十五

起十二年七月盡十二月

雍正二十六

起十三年正月盡八月己丑

東華全錄 四目錄

三

臣王先謙敬編
臣周潤蓀恭校

世宗憲皇帝 聖祖第四子也 母孝恭仁皇后吳雅氏原任護

軍參領加封一等公衛武之女端莊恭肅慈惠安和事 聖祖仁

皇帝恪襄內治著範宮庭嘉祥肇集嘗夢月入懷華彩四照已而

誕 上康熙十七年戊午十月三十日寅時也誕生之夕祥光煜

燦經久弗散闔宮稱異 上天表奇偉隆準頤身雙耳豐垂目光

炯照音吐洪亮舉止端凝大智夙成宏才肆應允恭克讓寬裕有

容幼耽書史博覽弗倦精究理學之源旁徵性宗之旨天章濬發

立就萬言書法道雄妙兼眾體每籌度事理評隲人材因端竟委

燭照如神韜略機宜皆所洞悉而性尤純孝婉愉愛慕悉本乎至

誠逮事 孝莊文皇后 孝惠章皇后備膺 慈眷侍奉 聖祖

仁皇帝 孝恭仁皇后盡禮盡敬仰愜歡心偶遇 聖祖違和必

躬親湯藥問視惟虔晝夜無少懈 聖祖常稱為誠孝焉又誼敦

友愛值二阿哥罪廢眾議當幽禁 上獨涕泣不能起 聖祖為

之動容平日無私交無黨援無干譽秉道守義巖然自重嘗奉

命隨征統率將士軍紀肅然初封多羅貝勒晉封和碩雍親王每

值 鑾駕巡方翠華駐蹕輒命扈行軍國大計亦多諮決禮祀鉅

典恆令恭代 聖祖嘗諭諸大臣曰朕萬年後必擇一堅固可託

之人與爾等作主令爾等永享太平益天心默定神器攸歸久矣

○康熙六十一年壬寅十一月甲午 聖祖仁皇帝賓天先是十

一月癸酉 聖祖自暢春園幸南苑行圍戊子 聖躬不豫因回

駐暢春園庚寅以冬至屆期將大祀於 南郊命 上恭代 上

於齋所致齋甲午 聖祖疾大漸召 上於齋所遂召誠親王允

祉瀆郡王允祐多羅貝勒允禩固山貝子允禔敦郡王允祜固山

貝子允禩皇十三子允禔尚書隆科多至 御榻前宣諭曰皇四

子人品貴重深肖朕躬必能克承大統著繼朕登基卽皇帝位

上聞召馳至趨進 寢宮問安戌刻 聖祖賓天 上慟哭仆地

良久乃起趨至 御榻前撫足大慟親為 聖祖更衣遵用 孝

莊文皇后製賜御服 上皆敬加於首然後進御恭奉 大行皇

帝還大內安於乾清宮○乙未禮部奏大殮儀注諭 皇考教養

文武大小臣工六十餘年孰不躬沐深恩今一旦升遐悲痛切至

實出衷衷大殮時著令王貝勒貝子公文武大臣俱入乾清門令

其瞻仰得盡哀戀之情又諭公王王妃豈可遠列丹墀著仍入大

內親近 梓宮使得盡哀朕之兄弟子姪亦令俱入乾清門在丹

陛上隨朕行禮○戌刻 大行皇帝大殮 上痛哭失聲擗踊無

數既殮遂行祭奠禮凡尊疊簋盤 上皆躬自陳設奠餼飲食儼

如視膳哀感羣臣咸痛哭伏地莫能仰視○諸王大臣奏請諒陰

東華全錄 雍正一

之次或御昭仁殿或御弘德殿諭朕遭 皇考大事哀痛方深何

忍安居內殿其以乾清宮東廡為倚廬自後 上居乾清宮東廡

席地寢苦慮 皇太后高年過哀每夜五鼓親詣問安○命貝勒

允禩十三阿哥允禔大學士馬齊尚書隆科多總理事務諭朕苦

塊之次中心紛督所有啟奏諸事除朕藩邸事件外餘俱交送四

大臣凡有諭旨必經由四大臣傳出並令記檔則諸事庶乎秩然

不紊其奏事官員處亦令記檔至 皇考時所有未完事件何者

可緩何者應行速結朕未深悉著大臣等將應行速結等事會同

查明具奏○諭總理王大臣等西路軍務大將軍職任重重大十四

阿哥允禩勢難暫離但遇 皇考大事伊若不來恐於心不安著

速行文大將軍王令與弘暉二人馳驛來京軍前事務甚屬緊要

公延信著馳驛速赴甘州管理大將軍印務並行文總督年羹堯

於西路軍務糧餉及地方諸事俱同延信管理年羹堯或駐肅州

或至甘州辦理軍務或至西安辦理總督事務令其酌量奏聞至
見在軍前大臣等職名一併繕寫進呈爾等會議具奏尋議諭旨
甚屬周詳應速行文大將軍王將印敕暫交平郡王訥爾素署理
卽與弘暉來京得旨副都統阿爾訥著隨大將軍王來京副都統
阿林保著隨弘暉來京○諭貝勒允禩十三阿哥允祥俱封爲親
王二阿哥之子弘皙封爲郡王○丙申 上哀瘠過甚 皇太后
屢傳諭勸進飲食 上泣奏曰臣若能進飲食必稍進以慰慈衷
諸王大臣奏請節哀並勸進餽粥諭仰思 皇考深恩不但諸王
大臣哀慕無窮凡官員兵民均茲依戀况朕親承鞠育奚能自己
且朕既受付託之重酌量可進飲食朕自少進若勉強飲食反於
朕躬無益嗣後不必勸奏○命蒙古王台吉等未出痘者免其來
京朝謁 梓宮者增給口糧○丁酉頒 大行皇帝遺詔○命速
修景山壽皇殿諭朕受 皇考深恩如天罔極忽升仙馭攀戀無
東華全錄 雍正一
從惟有朝夕瞻近 梓宮稍盡哀慕之忱今王大臣等所議安奉
之處或在南海子或在鄭家莊此二處隔越郊外離宮禁甚遠朕
心不忍細惟 世祖章皇帝大事時曾安奉景山壽皇殿朕意亦
欲安奉於景山壽皇殿庶得朝夕前往親行奠獻○諭先因京師
米價騰貴 皇考宵旰焦勞特命朕查視各倉彼時見倉糧充溢
露積不少因請將應行出倉之米迅速辦理蒙 旨允朕今仰
體 皇考軫恤民生至意務令米價漸平交與監督張坦麟陳守
創等會同倉場總督帶領工部賢能司官將倉庫確實料估應修
補者速行修補應添建者於明歲春初添建所需錢糧動用捐貯
驛站銀兩其應否補項之處再議此事並非此時應下之目係遵
奉 皇考原下之要旨是以特諭○諭 皇考念切天下兵民生
計因京師米貴焦思極慮當龍馭上賓之時猶憊憊未釋於懷向
來口外米穀不准運進口內而燒鍋仍照常開設可速令口外米

穀准其進口其開設燒鍋著行禁止○戊戌禮部進 登極儀注
上自乾清宮月臺坐御輿出乾清門論乾清宮安奉 梓宮雖
懸設簾幙朕何忍在 皇考前乘輿而出中門著移向乾清門朕
出東旁門乘之又奉請 御殿行禮畢例應列坐賜茶諭朕祇承
皇考遺命勉抑哀衷以遵大禮豈忍安坐飲茶卽在朝羣臣亦
誰能下咽著停止賜茶又奏捧寶人員應捧玉寶由乾清宮御路
中行諭此實雖 皇考舊日所御今傳之於朕 梓宮在上豈可
竟由中路而出著由甬路旁行○封固山貝子蘇努爲多羅貝勒
○命兵部尚書白潢協理大學士事務○召工部左侍郎署湖廣
總督滿丕來京在原任侍郎內行走以楊宗仁爲湖廣總督年希
堯署廣東巡撫原任江南安徽布政使○以內廷舊勞贈故大學士張英爲
太子太傅刑部侍郎賜卹杜訥爲禮部尚書○己亥 上以 大行
皇帝遺詔定制二十七日釋服諭諸王滿漢大臣曰三年持服乃
東華全錄 雍正一
人子之道若未遂朕志必致遺憾無已爾諸王滿漢大臣宜體朕
意○調張伯行辦理戶部右侍郎錢局事務以李英貴爲總督倉
場侍郎由內務府總管遷○庚子 上以登極遣官告祭 天地 太
廟 社稷 奉先殿○禮部奏 皇上登極先詣 皇太后前行
禮畢然後御殿並奏於 皇太后奉 皇太后懿旨皇帝誕膺大
位理應受賀至與我行禮有何關繫况 先帝喪服中卽衣朝服
受皇帝行禮我心實爲不安著免行禮是日王大臣等又繕摺回
請 皇太后仍不允 上又再三懇請奉 皇太后懿旨諸王大
臣等既援引 先帝所行大禮懇切求請我亦無可如何今晚於
梓宮前行告祭禮至上食奠酒請遣員恭代諭奠酒時朕仍親奠
強自節哀朕得多近 皇考梓宮愈增福祉更復何所避忌明日
上食兩部大臣引朕至乾清門外朕親奠畢旁立候徹祭再行告

祭禮○辛丑 上卽皇帝位於太和殿頒詔天下以明年爲雍正元年加恩中外罪非常赦所不原者咸赦除之○諭朕惟自古賢聖之君必有顯號微稱以彰功德之盛垂於萬世此國家不易之鉅典也仰惟我 皇考大行皇帝臨御六十一年早承大統寅畏小心旦明懷昭格之忱郊祀親升中之典監於成憲率由舊章孝奉 兩宮尊養兼至展致 陵 廟備物盡誠總覽萬幾阜成兆姓錫賦動盈千萬賑恤曾不稽時水旱先籌雨暘必達寬刑肆赦德洽好生盛暑則釋囚嚴寒則賑饑粥兵糧豫給優賞頒頒准何屢巡動數百萬之帑金運 睿謨而兩河底績魯邦特幸行數千年之殊禮屈 帝尊而九拜崇師覽奏曠而利弊周知覲臣僚而賢愚立辨保全勲舊庇廕宗支廣育人材敦厚風俗布昭聖武申討不庭元裔背叛而旋踵就殲三孽逆命而克期獻馘俄羅斯占喀爾喀之疆圍諭以威德卽奉約章喀爾喀偪厄魯特之暴殲東華全錄 雍正一 五

納其困窮胥登在席鳴爾丹肆毒鄰境三臨絕漠靖烽煙策妄阿喇布坦摧滅與國出師命將恢復藏地臺灣置郡紅苗革心南朔東西無思不服至於天縱生知日新好學講筵時御手定六經廣博士於五賢配先儒於十哲文煥二典書邁百家貫徹天文總括地理旁羅術數考正元聲研索羣編鑿裁纂輯凡此難名之美善洵亘古帝王首出之一人雖復累牘連章不能紀述萬一朕方與天下臣民均切怙戴不意 龍馭上賓願予沖人嗣膺大統仰承 佑啟之恩敢後顯揚之禮謹考彝章宜升 尊諡兩部詳察典禮具奏○王寅諸王大臣等具奏請遵 大行皇帝遺詔二十七日釋服得旨 皇考大行皇帝聖德神功罕有比倫實爲亘古未有之 聖君朕亦不宜行近代相沿之典禮釋服之制以日易月雖始於漢文而高宗諒陰三年獨非古制乎朕不能上比高宗而哀慕之情不能自己且稽之史冊漢文以來誰能媲美 皇考

則朕又安忍守漢文二十七日之制乎本朝舊制釋服亦待百日之期庶可稍盡思君思父之哀衷揣爾等之意惟恐過勞朕躬殊不知朕若持服尙可少進餽粥暫眠苦塊如必強朕釋服則朕必至寢食俱廢矣朕言及此曷勝嗚咽爾諸王大臣其諒之○晉封故大學士三等公圖海爲一等公致祭一次仍以其孫馬爾賽襲○大學士等奏頒雍正年號錢文式樣得旨錢文係國家重務向因錢價昂貴常厘 皇考聖懷今何以使錢文價平方合 皇考便民利用之意從前雲南巡撫楊名時題請鼓鑄部議不准舉行滇省之外何省應令鼓鑄與錢價有益著總理事務王大臣九卿公同會議具奏尋議鼓鑄錢文應令雲南四川兩省設鑄鼓鑄從之○甲辰 上詣 大行皇帝梓宮前行初祭禮○諸王大臣等復奏國家 郊 廟祀典必待 皇上除服後舉行大禮不可久闕考據古今典禮合辭懇請遵奉 大行皇帝遺詔以二十七日東華全錄 雍正一 六

釋服得旨覽諸王大臣所奏引據經書義理明晰朕惟有嗚咽悲慟耳始知爲君之難止此持服一節乃天子第一苦衷曾不如臣庶尙能各盡其心雖勉從所請朕之哀思因茲愈切矣○諭佟國維襲公奏摺蒙 皇考留中此一 等公爵著隆科多承襲佟國維墳塋交與該部修理加祭一次○命大將軍以下及直省督撫提鎮等差員齋捐到京者照常取奏無得沈滯○乙巳總理王大臣等奏 大行皇帝尊諡廟號伏候 皇上親定得旨 皇考大行皇帝尊諡廟號諸王大臣等請朕親定朕思子臣尊崇君父之心何有止極然必須至允至當方予千秋定論若少有溢美之詞不獨失天下之至公且開後人之僭越是因臣子之愚忠愚孝轉將君父盛德大業之實行涉於贊頌之虛文朕心殊不安也我 皇考大行皇帝精繼大統舊典本應稱宗但經云祖有功而宗有德我 皇考鴻猷駿烈冠古轍今拓宇開疆極於無外且六十餘年

手定太平德洋恩溥萬國來王論繼統則爲守成論勳業實爲開
粉朕意宜崇 祖號方副豐功但追崇大典攸關理應會謀共協
爾諸王大臣等會同九卿詹事科道文六品以上武四品以上詳
考舊章從公確議毋得依違毋得附和務期紀實以垂萬年○丙
午諭隆科多應稱呼舅嗣後啟奏書寫舅舅隆科多○戊申
以福敏爲內閣學士原任庶吉士○己酉諸王貝勒貝子公文武大臣
官員等議奏 大行皇帝尊諡廟號議曰謹按傳云爲人君止於
仁禮運云仁者義之本順之體也得之者尊說文云在天爲元在
人爲仁故易曰元者善之長仁者德之首 大行皇帝體元立政
茂育羣生以義制事綏安兆姓史稱帝堯其仁如天惟 大行皇
帝實與並之又按禮經云有虞氏禘黃帝而郊魯祖顓頊而宗堯
而尚書舜典云舜格於文祖釋者謂文祖堯廟也又謂格於藝祖
釋者謂藝祖堯之祖也合之祖顓頊之文則有虞氏有三祖矣宋
東華全錄 雍正一

王大臣僉云朕持服二十七日後應居乾清宮朕思乾清宮乃
皇考六十餘年所御朕卽居任心實不忍朕意欲居於月華門外
養心殿著將殿內略爲葺理務令素樸朕居養心殿內守孝二十
七月以盡朕心○庚戌諭大學士等朕惟敷政之道用人惟先關
門顯俊之典由來尙矣然知人則哲自古爲難朕在藩邸不與朝
臣往來所以內外大小官吏皆不能悉知今荷 皇考大行皇帝
命承大統臨御之初簡用人材爾諸大臣皆夙蒙 皇考知遇在
以朕朕茲值 梓宮在上靈爽式憑爾等哀感交迫之時益當各
竭忠盡仰報高深內而大臣以及閒曹外而督撫以及州縣或品
行端方或操守清廉或才具敏練者爾等各據真知灼見從公具
摺密奏古人云內舉不避親外舉不避讐爾等果矢公忠以人報
國或素日同僚共事或同鄉同年或門生親戚子弟俱准保奏勿
避嫌疑勿徇私援黨勿沽名市恩勿輕聽風聞勿言過其實有一
東華全錄 雍正一

臣陳祥道云凡配天者皆得稱祖故國語展禽有有虞氏祖高陽
而郊堯之說堯所以稱文祖也顓頊至堯皆黃帝子孫而皆稱祖
又周禮大宗伯禘祫享朝享解云古者朝廟合羣祖而祭焉故
禘謂之朝享以合羣祖爲不足又禘其祖之所自出故禘謂之追
享夫祖之所自出始祖也而其下曰羣祖則自始祖以下皆可稱
祖矣又諡義曰帝王功業隆盛引古者祖有功之義得稱祖此經
書可據者臣等謂惟 聖字可以贊揚 大行皇帝之峻德惟
祖號可以顯彰 大行皇帝之隆功恭擬敬上 尊諡曰 合天
弘運文武睿哲恭儉寬裕孝敬誠信功德大成仁皇帝 廟號曰
聖祖是日 上召諸王大臣等入諭曰諸王大臣官員俱深悉
我 皇考一生神聖實行同心合詞恭上尊稱無一人異詞甚極
朕懷朕之良思庶可稍釋論畢 上持鍼刺中指出血將奏內
聖祖二字圈出敬恭高捧交學士等齋出○諭內務府總管等諸

於此則上負 皇考任用之恩又負朕諮詢之意矣 皇考遵命
屬朕篤愛懿親保全臣下數十年來聖明之世本不容有姦貪取
著之人朕所需者人材但當有舉無劾毋得修怨陷害爾等具摺
或滿字或漢字各須親寫不可假手於子弟詞但達意不在文理
字畫之工拙其有不能書寫者卽行面奏至於政事中有應行應
革能裨益國計民生者果能深知利弊亦著各行密奏朕自卽位
以來用人行政若有闕失亦以直言毋隱朕之諄切詢問者一則
急欲得人以資治理二則欲知朕行事之當否三則觀爾等所舉
之人及所奏之事便可知爾等之居心制行矣○諭理藩院翁牛
特公鄂齊爾自幼跟隨我 皇考效力多年人甚謹慎朕十歲時
亦曾跟隨出獵行走著封爲貝子○以覺羅蘇庫爲禮部尙書
京兵部 敦拜爲左都御史由戶部左 勵廷儀爲兵部左侍郎由內
傳則還 敦拜爲左都御史由戶部左 勵廷儀爲兵部左侍郎由內
士○停止江南解送薦新秬米○辛亥以格爾布爲盛京戶部侍

即由內閣○遣御史巡查 陵寢道路嚴禁騷擾派累

十二月王子朔以奉移 大行皇帝梓宮告祭 上從苦次望見

陳設祭品失聲大慟諭誠親王允祉等曰 皇考明年七旬大慶

吾兄弟等方思 萬壽聖節在暢春園盡誠致敬供奉甘旨與四

海臣民共效無疆之祝豈意今年此日乃於乾清宮作如此陳設

耶復大慟不止諸王皆伏地號慟大臣近侍在左右者咸感泣不

能仰視○諭宗室及覺羅人等 皇考至仁至厚恩篤宗支凡宗

室覺羅大罪薄懲小罪寬免歷年無一人及於刑辟者必不得已

乃令圈禁朕思 皇考時問罪圈禁之人原不應釋放祇以見遇

恩赦姑予寬宥伊等當念宗室覺羅須閉戶家居安分靜守慎毋

怙過不改再罹重罪○禁止八旗官員詬罵屬下人等父母違者

交該管官懲治○癸丑諭戶部 皇考御極六十餘年澤周兆姓

凡巡幸所經小民除道清塵趨事恐後古北口一路為我 皇考

東華全錄 九 雍正一

每年行幸之地農工商賈皆得瞻仰 天顏親承膏澤朕念此路

百姓歷年彈力宜加恩恤著將宛平順義懷柔密雲平谷五縣昌

平一州雍正元年正額錢糧盡行蠲免又 陵寢一路此時正當

修道亦宜加恤著將大興三河二縣通蘄遵化三州雍正元年正

項錢糧亦盡行蠲免○甲寅 大行皇帝梓宮安奉 壽皇殿自

後 上每日黎明詣 壽皇殿獻食觀德殿席地坐日晡方回苦

次○諸王大臣等合詞恭懇節哀諫朕受 皇考教誨鞠育四十

餘年今遇大事哀痛迫切實不能已朕非於此自謂盡孝也况天

降稿雪林木皆自安奉 梓宮羣鴉環繞繞殿庭哀鳴七夜仰觀

天意俯察物情倘且如此朕能已於沈痛乎今 梓宮奉移壽

皇殿朕未釋服之前必每日三次親詣獻食一月內每日一次親

詣獻食一月外數日親詣一次如此庶可稍釋悲思若欲朕銜哀

強制則朕心愈無以自解爾諸王大臣不必再奏○諭總理王大

臣等從前 皇祖母孝惠章皇后大事時 皇考命貝子允禩督

理內務府總管事務辦理妥協 皇考曾深嘉之今茲大事允禩

經理三衙門事務井井有條其辦理 梓宮事務甚為效力允禩

著封為郡王其總理事務之王大臣等亦克殫惻誠請事允當除

二王已經加恩外舅舅隆科多大學士馬齊俱著賞給阿達哈哈

番世職○調李永紹為盛京工部侍郎以李周望為戶部左侍郎

黃叔琳為內閣學士由太常寺卿遷○命八旗詳察孝行素著者以聞○

丁巳加上 列祖 列后尊諡○諭總理王大臣等朕奉 皇太

后懿旨 孝懿皇后曾撫育爾躬貴妃係 孝懿皇后親妹應將

貴妃封為皇貴妃又和妃奉事 先帝最為謹慎應將和妃封為

貴妃朕惟 皇太后聖心至仁至厚此 旨實為允當爾等會同

禮部查例具奏又諭朕奉 皇太后懿旨爾兄弟之母當加意相

待朕念十二阿哥之母多年侍奉 皇考甚為謹慎久列嬪位今

東華全錄 十 雍正一

晉封為妃十五阿哥之母十六阿哥之母嬪亦晉封為妃再見在

有曾生兄弟之母未經受封者俱應封為貴人六公主之母應封

為嬪內有一常在年已七旬亦應封為貴人○戊午諭吏部兵部

王大臣等驗看革退人員內其武職官曾在軍旅效力身經受傷

雖年齒衰邁仍留職銜文職除年老庸劣外若由進士舉人正途

出身初選知縣即以才力不及革退亦屬可憫嗣後將此等人員

或改授教職或以原品休致著會同酌議定例遵行○停止直省

將軍督撫提鎮等官員獻方物其有恭獻 梓宮前食品及齋送

御用藥物仍照常呈進○定下五旗補放參領各缺均勻公派親

王門下參領不得過三員郡王門下參領不得過二員○庚申

上釋服移居養心殿○辛酉諭總理王大臣等往年稅差官員公

帑無虧而羨餘又足養贖家口兼及親族近日則不然率多虧帑

獲罪歸亦無顏見其族戚公私均屬無益 皇考洞鑒其故每將

稅務交與地方官管理各省已居其半嗣後稅務悉交地方官監收歲額之外所有羨餘該撫奏聞起解應賞給者再行賞給爾等會同戶部工部衙門議奏○諭山東按察使黃炳著補授山東巡撫山東巡撫謝賜履操守頗好人亦謹慎但見今漕船阻凍兼有修築河工之事謝賜履係新任之員未能諳悉著以相當之缺另行補授至於黃河衝決見在堵築未竣今冬若不乘時辦理恐至來春桃汛時愈難措置國子監祭酒齊蘇勒著補授山東按察使先赴河南會同楊宗義陳鵬年將今冬修理黃河之處商酌明白再赴按察使新任山東漕運河道事務亦著齊蘇勒會同巡撫辦理李樹德向蒙 皇考簡任山東巡撫旋改福州將軍尚未赴任今東省錢糧事宜清查著宜兆熊前赴福州署理將軍事務李樹德代宜兆熊署理都統事務清查伊任內錢糧○禮部議覆據朝鮮國王解送山東採漁人楊三等十四人被風飄至伊國寄無信東華全錄 雍正一

宗元太祖世祖明太祖二十一位今擬增夏啟仲康少康杼槐芒泄下降局廬孔甲皋發商太甲沃丁太庚小甲雍己太戊仲丁外壬河盪甲祖乙祖辛沃甲祖丁南庚陽甲盤庚小辛小乙武丁祖庚祖甲廩辛庚丁太丁帝乙周成王康王昭王穆王共王懿王孝王夷王宣王平王桓王莊王僖王襄王頃王匡王定王簡王靈王景王悼王敬王元王貞定王考王威烈王安王烈王顯王慎親王漢惠帝文帝景帝武帝昭帝宣帝元帝成帝哀帝明帝章帝和帝廢帝安帝順帝沖帝桓帝靈帝昭烈帝唐高祖高宗睿宗元宗肅宗代宗德宗順宗穆宗文宗武宗宣宗懿宗僖宗遼太宗景宗肅宗理宗度宗端宗金太宗章宗宣宗元太宗定宗憲宗成宗武宗仁宗大定皇帝文宗甯宗明太宗仁宗宣宗英宗景皇帝憲宗孝宗武宗世宗穆宗愍皇帝凡一百四十三位其從祀功臣原東華全錄 雍正一

夢雷之門生平日在外生事者亦即指明陳奏楊文言乃耿逆偽相一時漏網公然潛匿京師著書立說今雖已服冥刑如有子弟在京者亦即奏明驅遣爾等毋得徇私隱蔽陳夢雷處所存古今圖書集成一書皆 皇考指示訓誨 欽定條例費數十年 聖心故能貫穿今古集合經史天文地理皆有圖記下至山川草木百工製造海西秘法靡不備具洵為典籍之大觀此書工猶未竣著九卿公舉一二學問淵通之人令其編輯竣事原稿內有訛錯未當者即加潤色增刪仰副 皇考稽古博覽至意○諭九卿等自 皇考升遐以來朕心哀慕無已一應典禮俱詳考舊章務從隆備蓋不敢以天下儉其 親也但上之所行下必效之向來八旗官員於喪葬等事每多靡費今見朕備禮如是恐習以成風競尚奢侈而兵民等或至傾家蕩產殊非朕以禮教天下之意論語云禮與其奢也甯儉喪與其易也甯戚禮記云喪具稱家之有無東華全錄 雍正一

十三

載在典籍灼然昭著著九卿等將滿漢官按其品級分為等次及兵民喪葬務從簡樸毋得僭妄並將婚嫁等禮詳議定例著為令○諭刑部恩詔內赦罪一款徒開惡人微倖之門於政治甚無裨益因朕即位之初諸臣援例陳請姑用允行實則此等罪人皆其自取並非治之以不應得之罪也此番援赦豁免人等俱宜詳記檔案如已赦之後仍不悛改干犯法紀務必將伊等加等治罪著詳悉曉諭○命大學士蕭永藻尚書凱音布陳元龍刑部右侍郎周道新原任侍郎穆爾泰往馬蘭峪護視 陵寢以蕭永藻勤慎廉潔特加太子太傅銜○命雍正元年開鄉會恩科於四月鄉試九月會試十月殿試其癸卯甲辰鄉會試正科改於雍正二年舉行二月鄉試八月會試九月殿試○命年老大臣乘馬入紫禁城○裁直隸惠清河監督缺令通州坐糧廳兼理○甲子 上詣壽皇殿行月祭禮○諭部院各衙門凡出示曉諭原欲利民除弊

使人知所遵奉以昭功令也近見各衙門出示或變易舊章或恣徇私意或作威作福或鈞譽沽名往往朝夕自為更改彼此互相矛盾胥吏因之以作奸宵小藉端以滋擾種種弊竇不可勝舉先帝嘗深惡之嗣後各衙門遇當禁約曉諭之事務期矢公矢慎協情當理可以永遠奉行者方准出示儻仍蹈故轍科道官即行參奏治罪○諭戶部自古惟正之供所以儲軍國之需當治平無事之日必使倉庫充足斯可有備無患 皇考躬行節儉裕國愛民六十餘年以來蠲租賜復殆無虛日休養生息之恩至矣而近日道府州縣虧空錢糧者正復不少揆厥所由或係上司勒索或係自己侵漁豈皆因公耶用 皇考好生如天不忍即正典刑故伊等每恃寬容毫無畏懼恣意虧空動輒盈千累萬督撫明知其弊曲相容隱及至萬難掩飾往往改侵欺為那移勒限追捕視為故事而全完者絕少遷延數載但存追比虛名究竟全無著落新任之人上司偏愛前任交盤彼既畏大吏之勢雖有虧空不得不受又因以啟效尤之心遂藉此挾制上司不得不為之隱諱任意侵蝕展轉相因虧空愈甚一旦地方或有急需不能支應關繫匪淺朕深悉此弊本應即行徹底清查重加懲治但念已成積習姑從寬典除陝西省外限以三年各省督撫將所屬錢糧嚴行稽查凡有虧空無論已經參出及未經參出者三年之內務期如數補足毋得派累民間毋得藉端遮飾如限滿不完定行從重治罪三年補足之後若再有虧空者決不寬貸至於署印之官更為緊要必須慎重簡擇蓋署印之人始而百計鑽營既而視如傳舍肆意貪婪圖飽慾壑或取贖上官供其案取貽害小民尤非淺鮮其於前任虧空視作泛常接受交盤復轉授新任苟且因循虧空之弊終不得清嗣後如察出此等情弊必將委署之上司與署印之員一併嚴加治罪爾部可即傳知各省督撫○諭戶工二部財者利

十四

東華全錄 雍正一

用之源古帝足國裕民務必制節謹度朕初即位每恐府庫金錢中飽於胥吏之侵蝕以後凡戶工二部一應奏銷錢糧米石物價工料必須詳查覈實開造清冊具奏毋得虛開浮估備有以少作多以賤作貴數目不敷覈估不實者事覺將堂司官從重治罪○命富甯安爲武英殿大學士兼吏部尙書調隆科多爲吏部尙書以廉親王允禩爲理藩院尙書○加特古忒尙書銜仍辦理藩院侍郎事務以副都統拉錫兼署理藩院侍郎事○丙寅諭怡親王允祥等朕受 皇考深恩四十餘年未常遠離 皇考升遐無由再瞻色笑今追想音容宛然在目御史莽鶴立精於寫像昔日隨班奏事常觀 聖顏 皇考有 御容數軸收藏內務府今 皇考年高 聖顏微異於往時著莽鶴立敬憶 御容悉心薰沐圖寫○諭總理王大臣等從前揀選庶吉士外諸進士俱留京學習三年伊等若果有心學習猶可如不用心學習則留京何益嗣後

東華全錄 雍正一

五

進士中學問好者著令爲教習年滿照例錄用其餘進士等俱令回籍候缺補用○命怡親王允祥總理戶部三庫事務○以吳爾泰爲戶部左侍郎由內閣學士遷○裁廣善庫衙門停止內外官員借俸例○丁卯以石文焯爲江南安徽布政使陳安策爲江西按察使由饒南○停止直隸等四省官員運米餉軍例○戊辰以待郎查克旦自軍前擅回命革職留任並帶世職自備資斧赴軍前效力○以河南秋收稍歉命折徵漕糧免其採買○己巳命白潢爲文華殿大學士兼兵部尙書由兵部尙書遷○庚午命纂修 聖祖仁皇帝實錄○白潢懇辭大學士命諭朕嗣紹不基夙夜祗惕惟恐負皇考付託之重念內閣要地襄贊匪輕特命爾入閣辦事爾具摺懇辭朕素問爾居官操守甚好巡撫江西時綏輯地方甚爲裨益及任兵部尙書清勤恪慎 皇考每加優獎今朕以機務重大資爾料理爾可即遵旨供職不必固辭兵部事務亦要緊仍著爾兼

東華全錄 雍正一

十六

管○以佛格三泰常保俱爲內閣學士佛格宗室三泰由太常寺卿常保由監察御史遷○辛未先是宗人府奏親王阿哥等名上一字與 御名同應請更定 上以名諱由 聖祖欽定不忍更改禮部宜請 皇太后裁定至是禮部等衙門具摺啟奏得旨朕曾奏聞 皇太后諱王阿哥名上一字著改爲允字○贈故一等侍衛副都統諡果毅海青爲一品致祭一次○王申封裕親王保泰子廣善爲世子○以張廷玉爲禮部尙書由吏部右侍郎遷○吏部題大學士馬齊奉旨特給一等阿達哈哈番併前所襲一等阿思哈尼哈番又一拖沙喇哈番授爲二等伯准其世襲從之○癸酉遣官祭長白山醫巫閭五岳會稽山南海歷代帝王陵寢孔子闕里○乙亥賜左都御史朱軾宅一所銀一千兩○加大學士嵩祝馬齊吏部尙書張鵬翮太子太傅○丙子命八旗在京武職及各省駐防者俱五年一考選軍政○以黃叔琳爲刑部右侍郎由內閣學士遷○楊柱緣事革職以伊

臣王先謙敬編

臣周澗恭恭校

雍正元年癸卯春正月辛巳朔頒諭旨十一道訓飭督撫提鎮以下文武各官○諭總督自古帝王疆理天下必有岳牧之臣以分猷佐治而後四方甯謐共臻上理此封疆大臣以總督為最要也總督地控兩省權兼文武必使將吏協和軍民綏輯乃為稱職但統轄遼遠職務殷繁較巡撫之所屬更大是在遴選屬僚之賢能者委任得宜則振綱飭紀可無廢弛之虞而以人報國亦得大臣之體特是激清吏治必本大公之心虛懷察訪果係清節素著才具練達者任以要劇即行保薦則舉一可以風百今或以逢迎意指為能以沽名市譽為賢甚至暗通賄賂私受請託不肖官吏濫列薦章而樸素無華敦尚實治者反抑而不伸是豈風勵屬員之道乎朕視天下如一家視臣鄰如一體爾等亦宜深體此意以一家之心視兩省以一體之心視屬吏本之至公用之至當則上司之任使下僚如身之使臂臂之使指凡有才有守之人皆樂為效用矣至於所在管轄地方有作姦犯科之豪猾倚勢剝民之搢紳理應重加懲治乃因巧於結納反得徼倖自全而家居之大臣官員皆經 皇考任用之人致政投閒安靜自好為大吏者並不加以禮貌或反被土豪侵欺者有之亦非所以表率屬僚彰善癉惡之道也總督與巡撫將軍提督諸屬同寅凡地方軍民事務宜互相商榷各本虛公勿苟且雷同勿偏執意見方於國計民生有所裨益總督參劾州縣例由兩司道府揭報眾論會同所以示公也近有參劾之後始行補揭夫果其當劾司道府不能揭報於前既有徇庇之愆而令其補揭於後又欲寬其失察之罪彼此巧飾以欺朝廷尚得謂之至公平朕觀古之純臣載在史冊者興利除弊

以實心行實政實至而名亦歸之故曰名者實之華也今之居官者釣譽以為名肥家以為實而云名實兼收不知所謂名實者果何謂也爾督臣膺茲簡畀固宜篤矢忠誠尤當戒諭屬員痛改陋習更有任官之初頗著廉名及身躋大位則頓易其操者古人謂之巧宦其心事豈可問乎且職居制閫亦非徒以清操自善也若但謹身節用而過地方大事一籌莫展雖免貪冒之名究鮮屏翰之實國家又何所倚毗耶爾督臣皆 皇考擢用之大臣朕嗣紹丕基一切遵循成法惟冀爾等察吏安民練兵覈餉崇實行而不事虛名秉公衷而不持偏見故諄諄告誡並兩司道府州縣各有諭旨爾等亦宜細心體察與爾屬吏共勵官箴交相儆惕朕自優加恩禮始終保全若爾等恣意徇私不能竭忠盡職則深負 皇

考簡用之恩其罪甚大國法森嚴朕雖欲寬貸爾等不可得矣○諭巡撫國家任官守土綏輯兆民封疆之責惟撫臣為重今之巡撫即古之保釐夾輔之臣也一省之事凡察吏安民轉漕裕餉皆統攝於巡撫苟非正己率屬振飭勵精則一切刑政錢穀必致墮墮墮附循保障之功何賴乎夫吏治不清民何由安從來大法則小廉自爾可以至郡縣平時參見接談即可略知其才品優劣追試以委任訪之輿情賢否清濁自難滄溷惟上官偏私好諛屬僚善於逢迎者即推為才能其樸直自好潔己愛民之員反無見知之地及至計典黜陟並遇選擇保題之缺或先納賄賂或責報異時始為之薦引亦有奇耳目於監司等官聽毀譽於幕賓僚友之口以致舉劾不公潛滋奔競勸賞黜陟既失其當地方安得良有司乎藩庫錢糧虧空近來或多至數十萬益因巡撫之費用皆取給於藩司或以柔和交好互相侵那或先鉤致藩司短長繼以威制勒索分肥入己徒供一身資緣自奉之費罔顧朝廷帑藏財用之虛及事發難掩惟思加派補庫展轉累民負國營私莫此為甚州

縣積穀本爲備荒之計水旱歉收之歲待此拯濟於民生最爲關緊今既視爲正供之餘項藉出陳易新之名半爲胥吏中飽半爲州縣補空一遇災荒茫無賑貸皆由巡撫平時疏略包容玩愒所致也屬員缺出委署雖由兩司詳請其實巡撫操其權下屬鑽營屬託以缺之美惡定酬賂之重輕攝篆之人久則年餘近亦數月往往視爲傳舍情同行劫不恤小民之脂膏但飽谿壑於無厭務儻得署之飽遺而止試思此一年數月之間窮黎何罪而可縱貪暴以剝削之乎此等積弊尤爲國法所不容者巡撫參劾知府應由司道揭報參劾知縣應由道府揭報所以示公慎無私之義也近有先行參劾而令其補揭若所劾不公則其補揭未免以勢陵之使不得不從果其當劾則司道府既不能公揭於前而復巧飾於後以寬其徇庇失察之咎上下容隱視功令爲具文公慎無私之謂何撫標兵丁多者二千餘名少亦千餘名境內設有匪類竊

東華全錄

雍正二

三

發藉以捍禦接捕今撫臣自謂無行軍進剿之職置標兵強弱於度外不加訓練器械朽鈍營伍廢弛裁汰老弱之兵空糧悉歸私囊大非國家設兵衛民之意矣雲貴川廣獨瘴雜處其奉公輸賦之士司皆當與內地人民一體休養俾得遂生樂業乃不慮朕懷保柔遠之心嗣後毋得生事擾累致令岷氓失所至於土豪巨猾結交官吏武斷鄉曲逞奸干犯之徒每或彌縫漏網而告休歸田之大臣官員安分杜門反徇私吹索藉端陵踐此皆大失好惡之公尤損保全耆舊之義非鎮撫者所當留意乎爾諸臣皆荷皇考任用之恩受全省撫綏之寄朕繼承大統祇遵成憲優禮大臣保全終始惟冀爾等各抒忠悃安靖封疆朕所諭者有則悔悟速改無則省躬加勉兩司道府州縣各有諭旨爾亦詳細體察與諸屬吏共相勉勵同心協力以盡職守若不念皇考簡畀之隆致貽地方黎庶之害負恩曠職自取罪戾朕又安能廢法以宥爾乎

○諭督學朕惟自古帝王皆以興賢育才爲務我國朝自太祖

太宗肇造鴻圖 世祖定鼎中夏首隆學校加意人材開國規模超越前古至我 皇考聖祖仁皇帝御極六十一年培養教育恬冒涵濡深仁厚澤有加無已 御製訓飭士子文頒布學宮東西南朔海澨山陬戶習詩書家敦禮樂遐邇無不嚮風文教之隆莫過於此矣朕繼承大統遵守舊章寤寐求賢惟恐或失念學校爲士子進身之階督學一官尤人倫風化所繫遴選各省學臣倍加鄭重爾等須廉潔持身精勤集事實行文風兩者所當並重若徒事文華而不敦崇實行猶未爲盡職也表揚忠孝節義崇祀先聖先賢訪求山林隱逸揆羅名蹟藏書而衡文一道專以理明學正典雅醇潔爲主古人云言乃心聲氣由風養必上品端而後文風正他日爲國家柱石爲朝廟羽儀不綦重歟勿私納苞苴勿瞻徇情面勿輕視武途勿濫取祠蔭勿矯激沽名勿昏庸廢事勿卑

東華全錄

雍正二

四

污貶節勿驕暴陵人胥吏必謹關防幕客尤宜選擇如此則內外交感本末兼修上不負朝廷下不愧多士朕耳目所及必有見聞若罔顧聲名廉隅不飭國有常憲罰必隨之尙其勉旃毋忽○諭提督國家武功赫濯綏靖區夏用資專閫統率全省將士俾黎庶誠和疆圉甯謐提督之任綦重矣當茲海宇承平士卒扭於晏安不以兵革爲事相沿日久營伍漸弛非所以肅軍政飭戎行也爾等皆係 皇考簡用節鉞之大臣尤宜恪遵令典倡率所屬將弁簡閱卒伍整理器械操演技勇平時討論軍實訓練精勤乃稱節制之師折衝禦侮庶幾有備無患矣夫儲糧裕餉所以足兵食壯干城非爲保一人之私囊也乃虛名冒餉侵漁扣剋視爲故常以致朝廷恤兵養士之典止供將吏肥家之計居心多愆自難彈壓下僚取眾寡恩何以振興士氣提督臣職任拊循果能廉正自持無虛給餉俾士飽馬騰有不感激思奮者乎至山海要區得人最重

爾身爲大帥凡將佐偏裨果其智勇素著才技優長肅紀律而糧
兵民歷有成績之員或軍政薦舉或破格題請皆當予以優擢如
本係庸劣之弁徇情面受賄賂始則權宜委任旋復列名保奏不
特冒干名器必致貽誤地方濫用匪人之咎其能逃於功令乎且
設兵所以衛民文武官屬殊途而轄兵愛民均有責焉如各執己
見不相和協勢必有縱兵虐民挾制長吏以逞威作奸者在文臣
豈容辭咎而提臣統領水陸重師管轄不嚴調劑不力致文武抗
衛兵民異視責更難追書曰同寅協恭和衷哉爾當一秉虛公和
衷辦事嚴飭將弁於所屬汎地實心捍衛勤緝奸宄俾居民安堵
無虞地方咸受其利益爾等皆勤勞素著效力年久之人 皇考
屢加拔擢洵膺斯任朕祗遵成憲優遇大臣保全終始爾等各有
抒忠悃以無負朕愛養兵民之至意其總兵副將參遊等官各有
諭旨爾亦應詳細體察同心協力共相策勵靖共爾位永奠封疆

東華全錄

雍正二

五

○論總兵官國家幅員廣大凡巖疆重鎮關塞要害之地設總兵
俾之鎮守上承督臣之節制下樹將弁之表率輯兵安民厥任甚
重居是官者當以甯謐地方爲念嚴飭官兵巡緝奸宄儻有匪類
務必窮盡根株使宵小無從潛匿良民得以甯居若平時漫無覺
察日久必致蔓延綢繆未雨之謂何武臣雖不干民事然保障捍
衛責有攸歸守此方卽當軫念此方之民毋得視之膜外縱兵肆
擾至文武職任雖分盡心王事則一彼此和衷同心共濟自不至
貽誤公事况揆文振武經術同源善於恤兵必善於愛民尙何至
縱兵虐民失國家設兵衛民之意乎總兵統轄營汛甚多當以訓
練爲先嫻騎射整隊伍備器械限期校閱勤惰嚴分賞罰明而軍
政肅隱然一長城矣所屬將弁兵丁智勇超羣則立登薦剡武藝
精熟則特拔戎行以之鼓勵軍士猶有古良將風焉兵之所需糧
餉最重給糧而扣剋則師旅有枵腹之憂缺兵而不補則營伍有

空虛之患總兵率先潔己嚴飭偏裨毋得久懸兵缺以恣侵漁毋
得剋減額糧以肥囊橐則兵籍無虛士氣自奮有不收臂指之效
者乎至於馭兵之道務在寬嚴得中過寬則兵以怠玩而生驕過
嚴則兵以拘迫而滋怨能於嚴明之中隱寓愛恤之意庶幾上下
一心忠義自奮此又在爾鎮臣之善爲運用也仰惟 皇考垂誠
提鎮諸臣有日韜鈴宜裕紀律宜明拊循宜至訓練宜精又曰文
武輯睦毋相抗衡軍民調劑各得其平煌煌 天語勒於箴規久
矣爾等皆係 皇考簡畀之人果能實心力行不致始勤終惰上
負 聖訓朕心嘉乃成績必懋錫殊典如其徒擁厚祿虛糜爾位
既無益於兵民致有乖於令典國法森嚴朕不爾貸也○諭布政
司朕惟國家官制分省開藩爾職居方伯任寄旬宣所以綏緝羣
黎布昭德意實庶邦之喉舌列服之綱維任既重矣責亦大矣府
州縣官之賢不肖最關民生休戚當不時察覈治行務知其實分

東華全錄

雍正二

六

別臧否以告督撫爾以無私自信督撫自不以私心自疑協和盡
力以勸賢懲不肖則除害興利一方安矣今計典之黜陟特疏之
薦彈朝廷憑督撫之奏章督撫憑布按之詳揭爾布政爲官吏表
式自當益矢公忠若愛憎任情是非倒置以詔事上官通行請託
爲賢不善逢迎恥投暮夜爲不肖其何以稱之屏之翰百辟爲憲
者哉夫官至監司數歷有年當服官之初廉潔自守漸登高位頓
改初心更有矯飾虛聲潛納賄賂賍俗相沿謂之名實兼收其罔
上行私爲尤甚孔子謂事君勿欺甯不聞乎賦役會計皆爾專司
調劑均平乃爲稱職今錢糧火耗日漸加增重者每兩加至四五
錢民脂民膏剝何堪至州縣差徭巧立名色恣其苛派竭小民
衣食之資供官司奴隸之用爾試思戶版稅籍誰爲職掌私派橫
徵誰任其咎顧可失於覺察乎各省庫項虧空動盈千萬是侵是
那總無完補耗蠹公帑視爲泛常尤爲不法宜嚴革前弊永杜侵

那如司庫盤查之責在巡撫虧空之根亦由巡撫巡撫借支而布政不應者少矣然職在監司果能廉正自持則巡撫挾勢借支斷不能行但謹身節用量入爲出司庫必無虧空矣州縣庫盤查之責在知府覺察虛實之責獨在布政爾但潔已率屬不容徇庇州縣庫必不虧空矣朕深悉弊源所以反復諄切言之冀爾等悔且改也 皇考德洽區宇六十餘年朕嗣守丕基惟成法是式爾等皆蒙 皇考簡授職任藩宣果能各效忠誠慎遵功令朕自始終保全加以擢用若營私贖貨曠職累民爾既負 皇考之深恩朕又安能弛國家之令典三尺莫道爾其慎之○論按察司朕惟直省大小訟獄民命所關國家各設按察司以專掌之一切州縣申詳至爾司而獄成凡督撫違部題奏事件皆由爾司定案任豈不重歟 皇考仁覆如天每覽西曹奏牘反復推詳惟寬惟慎逮情實罪當猶施緩決之恩好生之德洽於民心六十餘年於茲朕嗣東華全錄 雍正二

七

歸於明允毋得因循故事自墮好欺也大計黜陟由爾司詳報督撫宜以用刑明慎執法不阿者爲賢能毋以善事督撫弗逆爾意者爲賢能也地方豪猾若苗有莠不除不翦害我嘉生至於良善巨室致政大臣猾吏或藉端侵抑之非所以稱朕意也邇來士大夫好云名實兼收所謂名者官爵也所謂實者貨財也習俗媮薄朕甚憫焉夫夫廉之義百可攸同至納賄出入人罪於法尤重朕人之命破人之家以潤屋奉身願觀古來逃於國法者十無一二免於罰者更百無一二書之呂刑曰獄貨非寶非聽訟者之明訓歟爾司其正已率下使法無枉撓庶幾刑措之風尙其助諸○諭道員爾等官歷監司所以贊襄藩臬承流宣化者也分守分巡職居協理糧河鹽驛各有專司身居是官必顧名思義名者實之華也克副其實而後名歸焉如守巡兩道首先潔己惠民凡府州縣之廉潔貪污俱宜細加察訪不時密詳督撫以憑舉劾地方有士東華全錄 雍正二

八

守大訓思四海之內有匹夫匹婦罰非其辜者卽非所以繼 皇考之志夙夜凜凜焉何道而能不濫不冤惟爾司是賴朕惟國家考定律例所以弼教非以厲民是故嚴立刑書防其或罹於法及至斷獄又條分縷析思以曲全其生書曰欽哉欽哉惟刑之恤哉又曰與其殺不辜甯失不經此律例之本意也今或情例相違牽合文法以納民於網或有兩例並見輒上下其手以自遂其私安得無冤獄哉 太祖高皇帝之訓曰生殺之際不可不慎聽斷之官必期得情大哉 聖言包舉虞書周禮之義夫折獄憑口供而平反憑案卷今法吏不求得情惟求完結州縣案卷之申詳爾司者多鍛鍊口供附於律例冀免爾司之駁查爾司之詳督撫督撫之揭部院者又加文致焉冀免三法司之駁查漢路溫舒所云奏當既成雖舉陶視之猶以爲死有餘辜者也口供案卷如是冤抑何從平反咎在聽斷之初心原非欲必得其情也今宜釐剔宿弊

豪武斷尤宜禁戢剪除衛良除莠乃稱其實若但知趨承大吏或止圖下屬陋規一切吏治民生槩置不問食庸陋劣殊負朝廷設官之意矣糧道專理漕運職任非輕使徒知起運規例扣剋運費苦累運丁營私煩擾有玷官箴貽害百姓何所底止河道有董率工程之責凡分修河員孰賢孰否俱應洞悉並宜親身經歷查勘估計某口險峻某口平易某處隄工堅固某處冒支帑金儻不計虛實不辨勤惰僅以納賄多者爲能員餽送少者爲拙吏而於工程漠不經意一遇坍塌誰之咎耶鹽道一員尤關國課邇年鹽法弊竇叢生正項錢糧每多虧欠一由上下各官需索商人巧立名色誅求無已窮商力竭不得不那新補舊上虧國課高擡鹽價下累小民至於官鹽騰貴貧民販賣私鹽捕役鬪毆株連人命流弊無窮一由商人用度奢靡相仍陋俗不知節儉致欠額徵爾等運籌鹽法宜將陋例積習盡情禁革必思何以甦商何以裕課上供

軍國下利閭閻方為稱職驛道為驛站錢糧所繫必廉節自守乃克別弊釐奸凡驛遞馬匹數目多寡每有假冒開銷歲修船隻亦有虛浮不實該員一貪貨貨勢必昏庸或過於苛覈勒索多方經管屬吏疲不能支總之病官病民悉緣貪黷敬爾在官垂諸古訓竊共爾位載在風詩爾等各有所職各守官方名實二字極宜體認今以獻賂為實虛譽為名動云名實兼收內以欺己外以負國有視面目其何以立身而抒忠盡乎 皇考御極六十餘年以軫恤民生為首務各省道員必親加遴擇諄諄戒勉極其詳慎朕續承大統翼冀小心惟仰體 皇考愛養元元之至意亦期爾等爭自濯磨振飭風憲以副朕望果能肅清綱紀無致廢弛當破格獎勵其或因循不改朕必置之重法○諭副將參將遊擊等官朕惟國家兵制凡疆宇要地既設提督總兵統率鎮守又設副將參遊分別營伍遞相鈐轄蓋從古治兵有大帥必有偏裨所以宣揚威

東華全錄 雍正二

九

武協贊軍機收指臂之效奠磐石之安也爾等所屬地形有險易兵數有多寡各宜豫定練兵之法親校騎射嚴試技勇簡拔驍銳更換老弱務令一營士卒人材雄健武藝嫻嫻及時教以行陣使之步伐進退井然有法日演月習氣壯心齊自成有制之師而無難折衝禦侮矣乃有不肖將弁不勤訓練按籍徒有虛名責效毫無實濟營伍廢弛為害最大究其弊由於將弁之貪利而廢法一在冒虛糧而兵無實數一在剋月糧而兵有怨心上虧天家之糧餉下臉窘卒之脂膏身司戎務而不能廉正以服眾雖日示訓練之法誰為之踴躍用命乎爾等遇有兵丁空缺即選力勇技精者補足隊伍至於馬步各糧按期領給不得剋減分毫古之良將多以愛恤士卒克建膚功投膠挾纊之風爾等宜知嚮慕焉官軍之協守一方所以捍衛一方之百姓故曰設兵以衛民也防亂於未萌緝奸於已發俾居民安家樂業共享昇平自然受兵之利而不

受兵之害儻或約束不嚴縱兵肆虐誘賭放債恃強奪利甚至地方小警不防禦緝捕以致奸宄滋蔓徒卸責於有司文武失和秦越相視殊背國家設兵鎮守之意律法具在罪有攸歸至於爾等備用督撫中軍責任匪輕尤宜潔己奉公恪遵法紀至都司守備千總把總等員各有城守汛防之責亦宜努力稱職自奮功名朕念爾等曾受 皇考選擇之恩自應保守前勞力圖後效果能整飭戎伍允著干城之望朕自不惜寵以崇階儻若廢墮武備侵漁俶覓甚且妄執武官不惜死之言恣意逞威虐民生事為害於地方王法森嚴決難輕貸○諭知府國家親民之官莫先於守令蓋州縣官與民最親而知府又與州縣官最親凡州縣興利除弊之事皆於知府有專責焉是知府一官分寄督撫監司之耳目而為州牧縣令之表率承流於上宣化於下所繫綦重矣漢宣帝有曰太守吏民之本也又曰庶民所以安其田里而無歎息愁恨之心

東華全錄 雍正二

十

者政平訟理也與我共此者其惟良二千石乎故兩漢循良稱盛而賢守尤多龔黃召杜諸人大都皆廉潔和平正身率屬以為民休養生息史稱其所居民富所去民思此皆彰明較著者也 皇考激肅官方慎簡僚吏知府中有政績茂異聲名著聞者必加優眷數年之間即膺殊擢所以鼓勵循良務令羣黎受福爾等蒙 皇考簡用之恩受國家民社之寄地方不甚遼遠則於民間之疾苦可以周知勢分不甚懸殊則於屬下之賢否可以洞悉爾果廉潔自持屏絕賄賂則督撫監司必不至肆行需索而州牧縣令亦不敢恣意貪婪近聞州縣火耗任意加增罔知顧忌以小民之脂膏飽貪吏之谿壑由爾不能御遺金於暮夜又安能禁屬吏之濫徵乎盤查倉庫必須覈實不可視為故事乃或藉盤查之名勒索餽遺是因盤查而虧空愈甚矣爾能時勤勸誡加以體恤則州縣可無虧空之虞能制節謹度淡薄是安則爾亦可免虧空之累勸